

OBILJEŽAVANJE SVJETSKOG DANA GEODETA

Cijeneći ulogu geodezije i geodetske struke, u Srednjoj građevinsko - geodetskoj školi je 21. marta 2023. godine obilježen Svjetski dan geodeta.

Svjetski dan geodeta je dan kada se trebamo prisjetiti i odati počast geodetima koji su dali veliki naučni doprinos u razvoju geodezije.

Za geodete 2023. godine proglašeni su francuski matematičari, astronomi i geodete: Jean-Baptist Joseph Delambre i Pierre François André Méchain, izumitelji metričkog sistema.

Aktiv geodeta Srednje građevinsko – geodetske škole zajedno s učenicima geodetskog odsjeka, uz podršku direktora škole, je posvetio veliku pažnju organizaciji ovog događaja. Svečanost je otvorio direktor škole prof. Asmir Demir.



Slika 1. Učesnici na svečanom obilježavanju Svjetskog dana geodeta.

Svečanom obilježavanju su prisustvovali uvaženi gosti Odsjeka za geodeziju Građevinskog fakulteta Univerziteta u Sarajevu, dr. Medžida Mulić, umirovljena profesorica i doc. dr. Esad Vrce, uvaženi gosti iz Federalne uprave za geodetske i imovinsko-pravne poslove Jasmin Ćatić, magistar geodezije i geoinformatike i Ervin Redžepagić, dipl. inž. geodezije, kao i uvaženi gosti Instituta za razvoj preduniverzitetskog obrazovanja Kantona Sarajevo prof. Stanislava Matić, viši saradnik za stručno obrazovanje i Rašid Šehović, dipl. inž. mašinstva i viši stručni saradnik za pedagoške standarde i normative.



Slika 2. Prof. Asmir Demir direktor škole otvorio je svečanost (lijevo), detalj sa uvodnog izlaganja prof. Enise Kuljuh (desno).

Održano je niz zanimljivih predavanja i prezentacija:

- Dr. Medžida Mulić
Tema: „Geodezija – prostor, vrijeme, informacije i znanje“
- Jasmin Ćatić, magistar geodezije i geoinformatike
Tema: „Stanje premjera u FBiH“



Slika 3. Detalj sa predavanja prof. Dr. Medžide Mulić i Jasmina Ćatića, magistar geodezije i geoinformatike.

Učenici sa smjera geodetski tehničar - geometar su u okviru školskih sekcija pripremili zanimljive prezentacije: „Šta smo naučili o GPS-u?“ i „Klimatske promjene na Zemlji“. Nakon toga je za učenike održan zanimljiv Kviz znanja, a pobjednicima su uručeni prigodni pokloni.



Slika 4. Učenici sa svojim zanimljivim prezentacijama.

Građevinsko - geodetska škola sa svojom dugogodišnjom tradicijom je mjesto odakle dolaze budući geometri, inženjeri, profesori i akademski radnici. Budući da je obrazovanje važna karika svakog naprednog društva, ovom prilikom smo željeli pokazati da međusobnom saradnjom obrazovnih institucija i svih drugih geodetskih organizacija, možemo učiniti da geodezija kao nuka i struka, zauzme značajnije mjesto u našem društvu.



Slika 5. Sudionici na obilježavanju Svjetskog dana geodeta.